

ԳԱՐՆԱՆ ԹԱՐՄՈՒԹՅՈՒՆ ԵՎ ԾԱՌԻԿՆԵՐԻ ԳԵՂԵՑԿՈՒԹՅՈՒՆ ՁԵՋ, ՍԻՐԵԼԻ ԿԱՆԱՅՔ



«ՅՐԱՆԵՐ» (ՆԱԽԱՐԱՐՈՒՄ) ԹԵՐԹԸ ԼՈՒՅՍ Է ՏԵՍՆՈՒՄ 1920 Թ. ԴԵԿՏԵՄԲԵՐԻՑ № 17 - 18 (17024) ՀԱՔԱԹ 5 ՍԱՐՏԻ 2022 Թ. ԳԻՆԸ 40 ԹԵՐԹԻ

ԴԻՐՔՈՐՈՇՈՒՄ

ԻՐԱԿԼԻ ՂԱՐԻԲԱՇՎԻԼԻ. «ԵՄ՝ ՈՐՊԵՍ ԵՐԿՐԻ ՎԱՐՉԱՊԵՏ, ՉԵՄ ԴԻՄԻ ՈՐԵՎԷ ԳՈՐԾՈՂՈՒԹՅԱՆ, ՈՐԸ ՀԱԿԱՍԻ ՄԵՐ ԵՐԿՐԻ ՈՒ ԺՈՂՈՎՐԴԻ ՀԱՂԵՐԻՆ»

Փետրվարի 28-ին, Վրաստանի վարչապետ Իրակլի Դարիբաշվիլին նախագահությամբ, անցկացվեց երկրի կառավարության հերթական նիստը: Կառավարության ղեկավարն անդրադարձնալով Ուկրաինայում ծավալվող իրադարձություններին, հստակեցրեց այդ հարցում Վրաստանի դիրքորոշումը՝ նշելով, որ Վրաստանը միջազգային բոլոր հարթակներում պաշտպանում է Ուկրաինային: Նրա խոսքով՝ Վրաստանի իշխանությունը հնարավորության սահմաններում առավելագույնս աջակցություն է ցուցաբերում քաղաքական, հումանիտար, բարոյական ու մարդկային տեսանկյունից:



ԿԱՌԱՋՆՈՐԴՎԵՄ ՄԻՄԻԱՅՆ ԱԶԳԱՅԻՆ ՀԱՅԵՐԻՑ ԵԼՆԵԼՈՎ

Վարչապետի խոսքով՝ այսօր ողջ աշխարհը կանգնած է մեծ մարտահրավերի առջև, եւ այս իրավիճակում ցանկացած զգայականություն, ցանկացած չպլանավորված քայլ շատ խոցելի է:

- Եվ մենք՝ որպես իշխանություն, որը պատասխանատու է թե՛ ներքին, թե՛ արտաքին քաղաքականության համար, բնականաբար, պատասխա-

նատվության ենք ենթարկվելու, եւ մենք պատասխանատու ենք ամեն ինչի համար:

Ես իմ ուղերձում ասացի, որ, որպես իմ երկրի վարչապետ, չեմ դիմի ուրեւէ գործողության, որը հակասի իմ երկրի, իմ ժողովրդի շահերին: Ես կառաջնորդվեմ միմիայն ազգային շահերից ելնելով:

Մենք լավ հիշում ենք, թե ինչպես երկիրը կորցրեց նոր տարածքներ, ինչպես Սաակաշվիլին հանձ-

(Հարունակությունը՝ 2-րդ էջում)

ԵՎՐԱԻՆՏԵԳՐՈՒՄ

ՎՐԱՍՏԱՆԸ ՆԵՐԿԱՅԱՑՐԵՑ ԵՎՐԱՄԻՈՒԹՅԱՆ ԱՆԴԱՄԱԿՑՈՒԹՅԱՆ ԴԻՄՈՒՄԸ



Մարտի 3-ին, Վրաստանի վարչապետ Իրակլի Դարիբաշվիլին ուղիղ եթերում ստորագրեց «Վրացական երազանք» կառավարող կուսակցության կողմից մշակված, Վրաստանի՝ Եվրամիության թեկնածուի կարգավիճակի դիմումը:

Ինչպես նշեց վարչապետը՝ Եվրամիությանն անդամակցության հայտ ներկայացնելը Վրաստանի եվրաինտեգրման ճանապարհի մի քայլ է:

Մյուս կողմից՝ Եվրամիությանն անդամակցության հայտ ներկայացնելը Վրաստանի եվրաինտեգրման ճանապարհի մի քայլ է:

- Այսօր պատմական օր է Վրաստանի համար: Ես երկրի անու-

նից ստորագրում եմ Եվրամիության անդամակցության դիմումը: Եվրամիությանը անդամակցելու հայտ ներկայացնելը եւս մեկ կարեւոր քայլ է Վրաստանի եվրաինտեգրման ճանապարհին: Փուլ, որը բացում է մեր պատմության նոր էջը եւ՝ շարունակում մեր նախնիների ջանքերը, որոնք

(Հարունակությունը՝ 4-րդ էջում)

ՈԱԶՄԱՎԱՐՈՒԹՅՈՒՆ

ԻՆՏԵԳՐԱԿԱՆ ՔԱՂԱՔԱԿԱՆՈՒԹՅԱՆ ԱՌԱՋՆԱՅԵՐԹՈՒԹՅՈՒՆՆԵՐԸ

Վրաստանի հաշտեցման եւ քաղաքացիական իրավահավասարության հարցերի պետնախարար Թեմ Լիսվեդիանին հանդիպում ունեցավ Եվրոպայի խորհրդի մարդու իրավունքների հանձնակատար Դուրյա Միստովիչի հետ:

Հանդիպմանը պետնախարարը մանրամասն տեղեկացրեց քաղաքացիական իրավահավասարության եւ ինտեգրման քաղաքականության ուղղություններով պետնախարարի աշխատակազմի առաջնահերթությունների վերաբերյալ: Թեմ Լիսվեդիանին



մարդու իրավունքների հանձնակատարի ուշադրությունը բեւե-

ռեց Վրաստանի բռնազավթված (Հարունակությունը՝ 4-րդ էջում)

ՀԱՅԱՍՏԱՆ

ՎԱՅԱԳՆ ԽԱԶԱՏՈՒՐՅԱՆԸ՝ ՀԱՅԱՍՏԱՆԻ ՆԱԽԱԳԱՐ

Մարտի 3-ին, Հայաստանի Ազգային ժողովը Վահագն Խաչատուրյանին ընտրեց Հայաստանի Հանրապետության նախագահ:

Ազգային ժողովում նախագահի ընտրության առաջին փուլում Վահագն Խաչատուրյանը չէր ընտրվել, նրա օգտին կողմ էր քվեարկել 69 պատգամավոր, այնինչ անհրաժեշտ էր 81 կողմ ձայն: Այսպիսով՝ անցկացվել էր ընտրության երկրորդ փուլ, որում ընտրվելու համար բավարար էր 64 կողմ ձայն: Նախագահի ընտրության երկրորդ փուլի փակ եւ զաղտնի քվեարկությանը մասնակցել էր 71 պատգամավոր, որոնք բոլորն էլ կողմ էին քվեարկել:



(Հարունակությունը՝ 7-րդ էջում)

ԵԿԵՂԵՑԱԿԱՆ

ԲՈՒՆ ԲԱՐԵԿԵՆԴԱՆ ԵՎ ԱՎԱՆԴԱԿԱՆ ՀՅՈՒՐԱՍԻՐՈՒԹՅՈՒՆ ՀԱՐԻՍԱՅՈՎ

Փետրվարի 27-ին, Հայ Առաքելական Սուրբ Եկեղեցին նշեց Բուն Բարեկենդանի տոնը: Մեծ Պահքին նախորդող օրը, թրխահայ համայնքում, նշանավորվեց Սուրբ Պատարագով եւ՝ ավանդական հարիսայի հյուրասիրությամբ:

Վիրահայոց թեմի Սուրբ Գեորգ առաջնորդանիստ եկեղեցում, առաջնորդ Տեր Կիրակոս վարդապետի ղեկավարությամբ, Սուրբ պատարագ մատուցեց Տեր Հուսիկ քահանա Հարությունյանը:



Հավարտ Սուրբ պատարագի, Տեր Կիրակոս վարդապետը, անդրադարձ կատարելով Սուրբ Զատնիկին նախորդող Մեծ Պահքի 48-օրյա ժամանակաշրջանին, կարեւորեց Բուն Բարեկենդանի օրը

միմյանց ներելու, հաշտության ձեռք մեկնելու եւ քրիստոնեական սիրով ապրելու անհրաժեշտությունը: Թեմակալ առաջնորդը շնորհավորեց ներկաներին՝ տոնական օրվա կապակցությամբ եւ իրավիճակի ավանդական հարիսայով հյուրասիրության:

ՈԱԶՄԱԿԱՆ ՀԱՎԱՄԱՐՏՈՒԹՅՈՒՆ

ՌՈՒՍԱՍՏԱՆԻ ՍԱՆՁԱԶԵՐԾԱԾ ՊԱՏԵՐԱԶՄԸ ՈՒԿՐԱԻՆԱՅՈՒՄ ՎՐԱՍՏԱՆԸ ՈՒԿՐԱԻՆԱՅԻ ՀԵՏ Է

Ինչպես արդեն հաղորդել ենք, փետրվարի 24-ի լուսաբացին, ռուսական զինված ուժերը Ուկրաինայի տարածքում սկսեցին պատերազմական գործողություններ:

Պատերազմի արդեն իսկ 10 օրերի ընթացքում, չնայած ուկրաինական բանակի եւ տեղի բնակիչների համառ դիմադրության, ռուսական զինված ուժերն արդեն գրավել են Սումի, Չեռնիվոկ, Խերսոն, Զապորոժյե, շրջափակել են Խարկով, Մարիուպոլ, Նիկոլաև քաղաքները, ընդհուպ մոտեցել երկրի մայրաքաղաք Կիևին: Մարտնչող երկու կողմերն էլ կրում են բազմաթիվ զոհեր:

Ի պատասխան Ռուսաստանի կողմից Ուկրաինայի դեմ սկսած բռնազավթիչ գործողություններին՝ միջազգային հանրության մի շարք երկրների եւ միջազգային կազմակերպությունների կողմից սահմանվեցին ֆինանսական, տնտեսական, մշակութային եւ մարզական բնույթի տարբեր պատժամիջոցներ:

Նշենք, որ Վրաստանը, առաջ-

(Հարունակությունը՝ 2-րդ էջում)

ԴԻՐՔՈՐՈՇՈՒՄ

ԻՐԱԿԼԻ ՂԱՐԻՔԱՇՎԻԼԻ. «ԵՄ՝ ՈՐՊԵՍ ԵՐԿՐԻ ՎԱՐՉԱՊԵՏ, ԶԵՄ ԴԻՄԻ ՈՐԵՎԷ ԳՈՐԾՈՂՈՒԹՅԱՆ, ՈՐԸ ՀԱԿԱՍԻ ՄԵՐ ԵՐԿՐԻ ՈՒ ԺՈՂՈՎՐԴԻ

(Սկիզբը՝ 1-ին էջում)

Որոշ Կողմերին, որը, որոշ ժամանակ առաջ, սաղորիչ կերպով անվանեց Վերին Արխագիա եւ հանձնեց Ախալգորին, 100-ից ավելի գյուղեր եւ մեր սեփական տարածքում վտարանդի մեր հազարավոր քաղաքացիների: Պատերազմի հետեւանքները շատ ծանր էին, դրանք հանգեցրին մեր բնիկ տարածքների անօրինական «ճանաչմանը»: Այս ողբերգությունը ավարտվեց Ռուսաստանի կողմից մեր տարածքների օկուպացմամբ: Ուզում եմ բոլորին եւս մեկ անգամ հիշեցնել, որ ռուսական բանակը լքեց մեր տարածքը 2007 թվականին եւ, ընդամենը մի քանի ամսում, ժամանակի անխոհեմ, անհավասարակշիռ, էնոցիոնալ քաղաքականությունը եւ սադրանքներից խուսափելու անկարողությունը հանգեցրին պատերազմի ու աղետի, երկրի կործանման: Ի վերջո, ովքեր են տուժել, կրկին՝ մարդիկ, սովորական, շարքային մարդիկ, իսկ ի՞նչ արեցին քաղաքական գործիչները, շարունակեցին աշխատել Սաակաշվիլու օրոք, շարունակեցին թալանել, ճնշել, խոշտանգել, բռնաբարել, սպանել, ձեռք բերել բիզնես, ունեցվածք դիզել:

ԸՆԴԴԻՍՈՒԹՅՈՒՆ ԵՐԿՐԻՆ ՆԵՐՔԱՇՈՒՄ Է ՈՌՄԱՍՏԱՆԻ ԴԵՄ ՊԱՏԵՐԱԶՄԻ ՄԵՋ

Վրաստանի վարչապետ Իրակլի Դարիբաշվիլին ընդդիմությանը մեղադրեց ապակառուցողական գործողությունների եւ երկիրը Ռուսաստանի դեմ պատերազմի մեջ ներքաշելու փորձի մեջ:

- Շատ ցավալի է, որ մեր ծայրահեղ ընդդիմությունն ուրախանում է Ուկրաինայի պատերազմով եւ ամեն դժվարության մեջ տեսնում՝ սեփական շահը: Ես կառաջնորդվեմ միայն մեր ազգային շահերով՝ չնայած ընդդիմության օրակարգին, որը շահարկում են,- ասաց Դարիբաշվիլին:

Վարչապետը նշեց, որ ընդդիմությունը փորձում է շահարկել քաղաքացիների ազնիվ զգացմունքները, որպեսզի մոլորեցնի նրանց:

Վարչապետի համոզմամբ, եթե նախկին նախագահ Միխեիլ Սաակաշվիլին լիներ այսօր Վրաստանի իշխանության ղեկին, ապա այս պատերազմը նախ՝ կսկսվեր Թբիլիսիում, հետո՝ Կիեւում:

- Մենք լավ ենք հիշում նաեւ, թե ինչպես էր իրեն պահում այն ժամանակի (2008 թվականի) իշխանությունը, ինչպես էր «հոգում» ժողովրդի մասին, ինչպես էր «պաշտպանում» մեր քաղաքացիներին, ինչպես էր իրեն պահում, այսպես կոչված, գերագույն գլխավոր հրամանատարը...

ՈԱԶՄԱԿԱՆ ՀԱԿԱՄԱՐՏՈՒԹՅՈՒՆ

ՈՌՄԱՍՏԱՆԻ ՍԱՆՁԱԶԵՐԾԱԾ ՊԱՏԵՐԱԶՄԸ ՈՒԿՐԱԻՆԱՅՈՒՄ

(Սկիզբը՝ 1-ին էջում)

Որոշվելով իր պետականության եւ ազգային շահերից, այլ պետությունների օրինակով, հրաժարվեց միանալ պատժամիջոցներին, թեպետ հնարավորինս աջակցություն է ցուցաբերում Ուկրաինային:

«ՈՒԿՐԱԻՆԱՅՈՒՄ ՏԵՂԻ ՈՒՆԵՑՈՂԸ ԲԱՅԱՐՁԱՎԱՊԵՍ ԱՆԸՆԴՈՒՆԵԼԻ Է»

Վրաստանի կառավարության նիստում, անդրադառնալով Ուկրաինայում ծավալվող իրադարձություններին, վարչապետ Իրակլի Դարիբաշվիլին իր մտահոգությունը հայտնեց ու նշեց, որ տեղի ունեցողը բացարձակապես անընդունելի է համարում.

- Մենք մտահոգված ենք Ուկրաինայում ընթացող պատերազմով, եւս մեկ անգամ ուզում եմ արտահայտել մեր սրտացավությունը: Այն, ինչ կատարվում է Ուկրաինայում, բացարձակապես անընդունելի է: Ուկրաինա ներխուժելը եւ այնտեղ ռազմական գործողություններ իրականացնելը հակասում է միջազգային իրավունքի սկզբունքներին ու կանոններին:

Վարչապետն ընդգծեց նաեւ, որ Ուկրաինա է ուղարկվել 100 տոննա մարդասիրական օգնություն, եւ Վրաստանում գտնվող Ուկրաինայի քաղաքացիները կօգտվեն ծառայություններից անվճար (հյուրանոց, սնունդ, հեռախոսակապ եւ այլն):

- Միջազգային բոլոր հարթակներում՝ ՄԱԿ-ում, ԵԱՀԿ-ում, մենք աջակցություն եւ համերաշխություն ենք հայտնել Ուկրաինային: Իմ հանձնարարությամբ, Վրաստանի արտաքին գործերի նախարարը մասնակցեց ԵԱՀԿ նախարարների հանդիպմանը, եւ Վրաստանը միացավ նաեւ ԵՄ համաձայնագրին՝ հայտնելով մեր աջակցությունը Ուկրաինային,- հայտարարեց Իրակլի Դարիբաշվիլին:

Այսօր նույն մարդիկ մեզ հորդորում են ներքաշվել պատերազմի մեջ, պատժամիջոցներ կիրառել Ռուսաստանի դեմ, մասնակցել Ուկրաինայի պատերազմին եւ այլն,- հայտարարեց վարչապետը:

ՈՌՄԱՍՏԱՆԻ ԴԵՄ ՊԱՏԺԱՄԻՋՈՑԸ՝ ՊԱՏԺԱՄԻՋՈՑ Է ՄԵՐ ԲՆԱԿՉՈՒԹՅԱՆ ԴԵՄ

Վրաստանի վարչապետի համոզմամբ՝ ապատեղեկատվական լայնածավալ քարոզարշավ է սկսվել այն թեմայով, թե՞, արդյոք, Վրաստանը պետք է միանա՞ Ռուսաստանի դեմ հայտարարված տնտեսական պատժամիջոցներին:

- Ես պարզաբանեցի, որ ելնում եմ ազգային շահերից: Ասացի, որ մենք դրան չենք մասնակցի: Այս որոշումը ցանկանում եմ հիմնավորել հարցը, հստակ պարզաբանել: Նախ, հիշեցնեմ, որ, օգոստոսի պատերազմից հետո, Սաակաշվիլու կառավարությունը համառոտեմ ուղիներ էր փնտրում Ռուսաստանի հետ առևտրի վերականգնման եւ Ռուսաստանի շուկայի բացման համար: Պարոն Սաակաշվիլին պատերազմից կարճ ժամանակ անց, երկրի բոլոր ռազմավարական օբյեկտները՝ ջրի ընկերությունը, հիդրոէլեկտրակայանները, էներգետիկայի մյուս օբյեկտները վաճառեց ռուսական պետական ընկերություններին: Չնայած դրան, այդուհանդերձ, շուկայի բացմանը չհասավ: 2012 թվականին, Սաակաշվիլու հրամանով, Ռուսաստանի քաղաքացիների համար մուտքի այցեգրի սահմանափակումը միակողմանիորեն վերացվեց: Ապա, Ռուսաստանի շուկան բացելու համար, ստորագրեց առևտրի միջազգային կազմակերպությանը Ռուսաստանի անդամակցության թույլտվությունը: Հիշեցնեմ, որ Ռուսաստանին պահանջվեց 19 տարի՝ այդ կազմակերպության անդամակցելու համար, թեւեւ գլխավոր արգելքը Վրաստանի բռնազավթված տարածքներն էին,- հայտարարեց Իրակլի Դարիբաշվիլին, եւ հավելեց, որ ռուսական շուկայի բացման հարցը կարգավորվեց 2012 թվականի հոկտեմբերի 1-ից հետո: Այդ ժամանակ էլ ստորագրվեց Եվրամիության հետ ասոցացման համաձայնագիրը, հաստատվեց անայցեգրային պայմանագրազր, ստորագրվեց ազատ առևտրի պայմանագիր:

- Ջուզահեռ, մենք հասանք մեր ապրանքների ռուսական շուկայի ներկրման թույլտվությանը: Մի քանի օրինակով մեր բնակչությանը ցանկանում եմ հիշեցնել, թե ինչ նշանակություն ունի ռուսական շուկայի բացումը: 2013-2021 թվականներին Վրաստանից Ռուսաստան, ընդհանուր առմամբ, արտահանվել է 2 միլիարդ ԱՄՆ դո-

լարի գյուղատնտեսական մթերք: Մյուս արտադրանքի արտահանման ընդհանուր արժեքը կազմել է 3 միլիարդ ԱՄՆ դոլար, արտահանվել է 2,2 միլիոն տոննայի արտադրանք: Հիշեցնեմ, որ, ընդհանուր առմամբ, արտահանված գինու արժեքը կազմել է 865 միլիոն ԱՄՆ դոլար: Հիշեցնեմ, որ այդ ամենն արգելված էր, եւ այդ արգելքը չափազանց ծանր պայմաններ էր ստեղծել մեր ֆերմերների, խաղողագործների համար: Վրաստանում, որը համարվում է գինու հայրենիք եւ օրրան, սկսեցին հատել խաղողի այգիները: Վերջին հինգ տարիների ընթացքում՝ զբոսաշրջությունից մեր երկիրը ստացել է 3 միլիարդ ԱՄՆ դոլարի շահույթ: Այդ ընթացքում Ռուսաստանից Վրաստան է մուտք գործել ավելի քան 5 միլիոն զբոսաշրջիկ: Նաեւ չմոռանանք, որ շուրջ 1 միլիոն մեր համաքաղաքացիներն ապրում են Ռուսաստանում եւ ամեն տարի, միջին հաշվով, Վրաստան են փոխանցում, ընդհանուր առմամբ, 500 միլիոն դոլար, վերջին երեք տարվա ընթացքում՝ այդ գումարը հասել է 3 միլիարդի: Մեր համաքաղաքացիներն այդ գումարներն ուղարկում են՝ այստեղ ապրող ընտանիքներին, ազգականներին օգնելու համար, Վրաստանում կատարում ներդրումներ: Այնպես որ, վերջին ութ տարվա ընթացքում, այդ գումարը կազմել է 10-12 միլիարդ դոլար: Ցանկանում եմ նշել, որ երկրի գրեթե բոլոր բնակիչները՝ հազարավոր գինեգործներ, արտահանողներ, ֆերմերներ ներգրավված են այս գործընթացում եւ այդ պատճառով ցանկանում են շեշտել, որ երբ խոսքը վերաբերում է պատժամիջոցների սահմանմանը, այսինքն, «Ռանց» ընդդիմության պահանջներին, ապա ստացվում է այնպես, որ պատժամիջոցները սահմանելու ենք մեր իսկ ժողովրդի դեմ: Հավատացեք, այդ գումարները կապկասեն մեր ժողովրդից, մեր էկոնոմիկայից, կտուժեն շուրջ 1 միլիոն համաքաղաքացիները, ովքեր չեն կարողանա օգնել այստեղ ապրող իրենց ազգականներին, քանի որ ֆինանսական փոխանցումները կարգելակվեն: Այս հարցում ավելորդ զգայականությունը վնասաբեր է, կվնասվեն մեր ազգային շահերը,- ընդգծեց վարչապետը:

Իրակլի Դարիբաշվիլին հավաստեց, որ «Վրացական երազանքի» իշխանության օրոք, այս ողջ ժամանակահատվածում, ի տարբերություն նախորդի, երկիրը չի եղել պատերազմական իրավիճակում, եւ այս երկարաժամկետ խաղաղությունն ու կայունությունը ձեռք է բերվել այն քաղաքականության արդյունքում, որը որդեգրեց կառավարող կուսակցության հիմնադիրը եւ որը այսօր շարունակում է եւ, որի վերջնական նպատակն ու մեծ երազանքը երկրի զարգացումն ու ամբողջականացումն է:

ՎՐԱՍՏԱՆԸ ՈՒԿՐԱԻՆԱՅԻ ՇԵՏ Է

ԱՆԿԱՆ ԴԵՄՊԱՆԻՆ ՀԵՏ ԿԱՆՉԵԼՈՒ ՓԱՍՏԻՑ՝ ՎՐԱՍՏԱՆԸ ԿԱՆԳԱԾ Է ՈՒԿՐԱԻՆԱՅԻ ԿՈՂՔԻՆ

Մարտի 1-ին, Ուկրաինայի նախագահ Վլադիմիր Զելենսկու կարգադրությամբ, խորհրդակցության համար Վրաստանից եւ Ղրղզստանից հետ եւ կանչվել իրենց դեսպանները:

Ուկրաինայի նախագահին իր տեսաուղերձում նշել է, որ Ղրղզստանից դեսպանը հետ է կանչվել՝ Ուկրաինայի դեմ ագրեսիան արդարացնելու համար, իսկ ինչ վերաբերում է Վրաստանին, ապա, Զելենսկու խոսքով, դեսպանը հետ է կանչվել պատժամիջոցներին չմիանալու համար:

Վրաստանի իշխանությունները, անկախ պաշտոնական Կիևի որոշումից, շարունակում են քաղաքական ու հումանիտար աջակցություն ցուցաբերել Ուկրաինային: Թբիլիսիում, Ռուսթավելու պողոտայում անց են կացվում բողոքի հանրահավաքներ:

Մարտի 4-ին, թբիլիսյան հանրահավաքի մասնակիցներին տեսաուղերձով դիմեց Ուկրաինայի նախագահ Վլադիմիր Զելենսկին: Նա վրաց ժողովրդին շնորհակալություն հայտնեց աջակցության եւ զորակցության համար:

ՊԱՅՄԱՆԱՎՈՐՎԱԾՈՒԹՅՈՒՆ՝

ՄԱՐԴԱՍԻՐԱԿԱՆ ՄԻՋԱՆՑՔԻ ՀԱՐՑՈՒՄ

Անցկացվեց Ուկրաինայի եւ Ռուսաստանի պատվիրակությունների միջեւ բանակցությունների երկրորդ փուլը: Ուկրաինայի նախագահի գրասենյակի ղեկավարի խորհրդական Միխայիլ Պողոյակի հայտարարությամբ՝ - Ռուսաստանը եւ Ուկրաինան պայմանավորվել են մի շարք հումանիտար հարցերի շուրջ, այդ թվում՝ հումանիտար միջանցքների կազմակերպման նպատակով՝ ժամանակավոր հրադադարի հնարավորության շուրջ:

Նա հավելել է նաեւ, որ կողմերը բանակցությունները կշարունակեն երրորդ փուլում մոտակա ժամկետներում:

ՄԱԿ-Ը ԸՆԴՈՒՆԵՑ ՈՌՄԱՍՏԱՆԻՆ

ՊԱՏՊԱՐՏՈՂ ԲԱՆԱԶԵՎ

Մարտի 2-ին ՄԱԿ-ը, ճնշող մեծամասնությամբ, աջակցեց բանաձեւին, որը դատապարտում է Ռուսաստանի ներխուժումն Ուկրաինա եւ՝ կոչ է անում անհապաղ դուրս բերել իր զինված ուժերը: Բանաձեւին աջակցել են 193 անդամ երկրներից 141-ը, այդ թվում՝ Վրաստանը: Ընդամենը հինգ երկիր դեմ է արտահայտվել՝ Ռուսաստանը, Բելառուսը, Սիրիան, Էրիթրեան եւ Հյուսիսային Կորեան, իսկ 35 անդամներ ձեռնպահ են մնացել, այդ թվում՝ Հայաստանն ու Չինաստանը: 94 երկրների կողմից համահեղինակված բանաձեւում ասված է, որ ՄԱԿ-ը «խստորեն դատապարտում է Ուկրաինայի դեմ Ռուսաստանի ագրեսիան»:

ԱԶԱԿՑՈՒԹՅՈՒՆ՝ ՈՒԿՐԱԻՆԱՅԻՆ

ԵՎՐԱՄԻՈՒԹՅԱՆ ԹԵԿՆԱԾՈՒԻ

ԿԱՐԳԱՎԻՃԱԿ ՍՏԱՆԱԼՈՒ ՈՒՂՈՒԹՅԱՐ

Եվրախորհրդարանը աջակցեց Ուկրաինային Եվրամիության թեկնածուի կարգավիճակ շնորհելուն: Որոշման օգտին քվեարկել է 676 անդամից 637-ը, դեմ՝ 13-ը, ձեռնպահ՝ 26-ը:

Բանաձեւն այնուհետեւ կներկայացվի Եվրամիության խորհրդի եւ անդամ պետությունների հաստատմանը:

Եվրախորհրդարանի ընդունած փաստաթուղթը դատապարտում է նաեւ Ռուսաստանի ագրեսիան Ուկրաինայի դեմ:

Ներկայումս ԵՄ անդամակցության թեկնածուներ են Ալբանիան, Հյուսիսային Մակեդոնիան, Մոնտենեգրոն, Սերբիան եւ Թուրքիան:

«Վրաստանը»՝ ըստ միջազգային լրատվական գործակալությունների մյուսերի

ՀԱՂԱՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՎԹԱԿԻՅՆԵՐԸ

Համաձայնագրով նախատեսվում է փոքր և միջին բիզնեսի ավանդների և վարկերի փոխանցում LIBERTY Bank: Համախորդների տեղափոխման աշխատանքները մեկնարկել են, և մարտի 3-ից LIBERTY Bank-ը սպասարկում է VTB Bank Georgia-ի փոքր և միջին բիզնեսի ավանդատուներին և վարկատուներին իր մասնաճյուղերում: VTB Bank Georgia-ի համախորդներին կուղարկվեն համապատասխան հաղորդագրություններ:

ԵՎՐԱՍԻՆՏԵԳՐՈՒՄ

ՎՐԱՍՏԱՆԸ ՆԵՐԿԱՅԱՅՐԵՑ ԵՎՐԱՄԻՈՒԹՅԱՆ ԱՆՊԱՏԱԿՈՒԹՅԱՆ ԴԻՄՈՒՄԸ

(Սկիզբը՝ 1-ին էջում)

ուղղված էին միասնական եվրոպական ընտանիքում միավորմանը: Վրաստանը եվրոպական պետություն է: Մեր երկիրը, իր երկարամյա պատմության ընթացքում, միշտ պատկանել է եվրոպական մշակույթին եւ քաղաքակրթությանը եւ այսօր էլ իր արժեքավոր ներդրումն ունի նրա պաշտպանության եւ զարգացման գործում: «Եվրոպականությունը» ոչ այլ ինչ է, քան արժեքների մի շարք, որոնք կազմում են եվրոպան: Վրաստանի պատմությունը, որը ոչ այլ ինչ է, քան ազատության համար պայքարի պատմություն, վկայում է այն մասին, որ այդ արժեքները վրաց ժողովրդի բնության մեջ են եւ, հետեւաբար, անբաժանելի են նրանից,- հայտարարեց Իրակլի Դարիբաշվիլին:

Անդրադառնալով եվամիության հետ Ասոցացման համաձայնագրին՝ Իրակլի Դարիբաշվիլին նշեց, որ Վրաստանի քաղաքացիներն օգտվում են Եվրամիության հետ անայցեգրային պայմանակարգից, ինչը լավ հնարավորություն է մեր հասարակությունների եւ ժողովուրդների միջեւ ավելի սերտ կապեր հաստատելու համար:

Կառավարության ղեկավարի խոսքով՝ Եվրամիության հետ ազատ առեւ-



տուրը թույլ է տալիս հասնել աստիճանական տնտեսական ինտեգրմանն աշխարհի խոշորագույն շուկաներից մեկում: Վրաստանի եվրոպական չափանիշներին համապատասխանության արդիականացումը՝ անշրջելի է:

- 2014 թվականին, երբ ստորագրեցի Վրաստանի եւ Եվրամիության միջեւ Ասոցացման համաձայնագիրը՝ որպես Վրաստանի վարչապետ, ես ստանձնեցի ամենամեծ պատասխանատվությունը մեր երկրի եւ ժողովրդի առջեւ՝ հաջողությամբ շարժվելու Եվրամիությունից ճանապարհով եւ ամուր հիմքեր դնելու մեր երկրի վերջնական եվրոպականացման համար: Մենք հպարտ

ենք, որ, 2014 թվականից, մեր կառավարության հետեւողականությամբ եւ հանրության աջակցությամբ, Վրաստանը, որպես Եվրամիության գործընկեր, հաջողությամբ կատարում է իր պարտավորությունները համաձայնագրով եւ զգալի առաջընթաց է գրանցում՝ Եվրամիության հետ իրավական, տնտեսական եւ քաղաքական մերձեցման առումով,- ասաց Իրակլի Դարիբաշվիլին:

Վարչապետի համոզմամբ՝ եվրամիությունը կնպաստի նաեւ երկրի տարածքային ամբողջականության վերականգնմանը:

- Հավատում եմ, որ մենք, մեր արքա եւ օս հայրենակիցների հետ միասին, կգնանք Եվրամիությանը ինտեգրվելու ճանապարհով եւ նրանց հետ կկառուցենք միասնական, ուժեղ եվրոպական պետություն,- ընդգծեց Վրաստանի վարչապետը՝ հավելելով, որ այսօր Վրաստանն ավելի մոտ է Եվրամիությանը, քան երբեք:

ՈԱԶՄԱՎԱՐՈՒԹՅՈՒՆ

ԻՆՏԵԳՐԱՆ ՔԱՂԱՔԱԿԱՆՈՒԹՅԱՆ ԱՌԱՋԱՅԵՐԹՈՒԹՅՈՒՆՆԵՐԸ

(Սկիզբը՝ 1-ին էջում)

տարածքներում անվտանգության, հումանիտար եւ մարդու իրավունքների տեսանկյունից ստեղծված ծանր իրավիճակի վրա: Պետնախարարը մանրամասն խոսեց՝ երկրի կառավարության կողմից հաշտեցման եւ ներգրավման քաղաքականության ուղղությամբ, իրականացված քայլերի մասին, ներկայացրեց առաջիկա ծրագրերը: Նրա խոսքով՝ կառավարությունը հաստատել է 2021-2030 թվականներին քաղաքացիական իրավահավասարության եւ ինտեգրման պետական ռազմավարությունը, որտեղ հստակ նշված են այդ ուղղությամբ առաջնահերթությունները, նպա-

տակներն ու խնդիրները: Պետնախարարը ընդգծեց, որ այդ փաստաթղթի մշակման գործընթացում ակտիվ ներգրավվել էին քաղաքացիական հասարակությունը, միջազգային գործընկերները, ազգային փոքրամասնությունների ներկայացուցիչները: Թեա Ախվեղիանու հավաստմամբ՝ այդ ռազմավարության շրջանակներում ծրագրված են մի շարք կոնկրետ միջամիջոցներ, որոնց արդյունավետ իրականացումը նշանակալիորեն կնպաստի ազգային փոքրամասնությունների ներկայացուցիչների ներգրավմանը հասարակական գործընթացներում եւ միջմշակութային երկխոսության ամրացմանը:

ԸՄԲԵՈՍՄԱՐՏԻ ԱՐՔԱ

ՎԻՆԱՍ ԽԱՐԱՉՈՎ. «ՀՊԱՐՏ ԵՄ, ՈՐ ԻՄ ՍԱՆԵՐԻՆ ՆԵՐՇՆՉՈՒՄ ԵՄ ԱՐԺԱՆԱՊԱՏՎՈՒԹՅԱՆ ԵՎ ԵՐԱԽՏԱԳԻՏՈՒԹՅԱՆ ԶԳԱՑՈՒՄ»



Մարտի 6-ին Վրաստանի վաստակավոր մարզիչ, սպորտի վաստակավոր գործիչ, սպորտի վարպետ, «Պատվով» շքանշանի ասպետ, Վրաստանի մարզական աշխատող որպես ըմբշամարտի արքա մեծարված Վիլյամ Խարաչովը կնշի իր ծննդյան 80-ամյակը, մարդ, ով հունա-հռոմեական (ազատ) ոճի ըմբշամարտի մարզիչի գրեթե կեսդարյա գործունեության ընթացքում դաստիարակել եւ մեծ սպորտի ուղեգիր է տվել Օլիմպիական խաղերի, աշխարհի եւ Եվրոպայի չեմպիոններին...

Իսկ ամեն ինչ սկսվեց անցյալ դարի 50-ական թվականների կեսերին, երբ Թբիլիսիի Հավաքար թաղամասում, Խոջիվանքի մերձակայքում, ծնված-մեծացած, թաղամասում հայտնի «Լուսիկի դպրոցի» 7-րդ դասարանցի Վիլյամը տեղափոխվեց գիշերօթիկ դպրոց եւ, ծխախոտի գործարանում աշխատանքին զուգահեռ, սկսեց հունա-հռոմեական ոճի ըմբշամարտի ներթուրումները յուրացնել երկրում ճանաչված մարզիչ Ներսես Ակոպովի մոտ: 17 տարեկան էր, երբ ճաշակեց մարզական հաղթանակի առաջին բերկրանքը՝ դառնալով Վրաստանի արհմիությունների առաջնության չեմպիոնը:

- Շատ բանով եմ պարտական Ներսես Գրիգորիչին: Եթե ոչ նա, չգիտեմ անգամ, ինչպես կդասավորվեր իմ կյանքը: Նա այն մարդն էր, ով իմ մեջ տեսավ այն հատկությունները, որոնց մասին եմթադրել չէր կարող. «Քո մեջ կա մարզչի ջիղ, դու կարող ես մարզել, դաստիարակել երիտասարդների,- տարիներ անց, հաճախ, մարզումների ավարտից հետո, ինձ ասում էր Ներսես Գրիգորիչը: Հենց նրա շնորհիվ էլ՝ կատարեցի մարզչի իմ առաջին քայլերը:

Վիլյամը հաջողությամբ ավարտեց գիշերօթիկը, ապա նաեւ Թբիլիսիի ֆիզկուլտուրայի ինստիտուտը, 20 տարեկանում արժանացավ Խորհրդային Միության սպորտի վարպետի կոչման, դարձավ իր անվանի մարզչի արժանի փոխարինողը: Որպես սպորտի այդ մարզաձևի մարզիչ՝ Վիլյամ Խարաչովը առաջին քայլերը կատարեց Ռոստովի մարզի Նովոչախտինսկ քաղաքում.

- Երեք տարի աշխատեցի, լավ. հեռանկարային մարզիկներ դաստիարակեցի, սակայն, տեղում համապատասխան պայմանների բացակայության պատճառով, գրեթե բոլոր սաներս փոխադրվեցին այլ քաղաքներ... Այդ տարիների աշխատանքիս արդյունքները, փաստորեն չտեսա:

Այդ պատճառով էլ վերադարձավ Թբիլիսի, մեծ դժվարությամբ, իր նախկին թիմակիցների օգնությամբ, կարողացավ մարզումների համար դահլիճ ստանալ: Եվ արդեն 47 տարի է, ինչ, Թբիլիսիում հայտնի 31-րդ (Նախկին՝ Դիմիտրովի անվան ավիացիոն) գործարանի մարզադահլիճում, սպորտի վարպետ, Վրաստանի վաստակավոր մարզիչ Վիլյամ Խարաչովի ղեկավարությամբ, կոփվում են Վրաստանի հունա-հռոմեական ոճի ըմբշամարտի հավաքականի կորիզը կազմող մարզիկները, աշխարհի եւ Եվրոպայի ապագա չեմպիոններն ու մրցա-

նակակիրները: Եվ նրանցից շատերը, Վիլյամ Խարաչովի «թեթե ձեռքով» են մեծ սպորտի ուղեգիր ստացել: Այդ մարզիկներից են 2016-17 թվականների Եվրոպայի չեմպիոն, աշխարհի առաջնության մրցանակակիր, Օլիմպիական խաղերի մասնակից Ջուրաբ Դաթունաշվիլին, 2001 թվականի Եվրոպայի առաջնության արծաթե մե-



Վիլյամ Խարաչովը իր սան՝ Եվրոպայի կրկնակի չեմպիոն Ջուրաբ Դաթունաշվիլու հետ

դալակիր, 2003 թվականի աշխարհի գավաթի մրցաշարի չեմպիոն Իրակլի Ծոճուան, վետերանների աշխարհի 2013-2016 թվականների առաջնության չեմպիոն Ջուրաբ Ծիլարիձեն, 2012 թվականի վետերանների աշխարհի

առաջնության չեմպիոն Ալեքսի Կիրակոսյանը, Վրաստանի առաջնության մրցանակակիրներ Սերգեյ Պողոսյանը, Գիորգի Լիանոզովը...

Հատկանշական մի փաստ. Վիլյամ Խարաչովի «դպրոցն» անցած սաները, անկախ ամեն ինչից, տարիների ընթացքում էլ չեն կտրվում իրենց մարզչից, հաճախ հանդիպում, քաջալերում են նրան: Մասնավորապես, Վրաստանի, ապա՝ Սերբիայի դրոշի ներքո Եվրոպայի չեմպիոնի կոչման արժանացած Ջուրաբ Դաթունաշվիլին իր պարտքն է համարում՝ Վրաստանում գտնվելու ժամանակ, անպայման, հանդիպել իր մարզչին, իր երախտագիտությունը հայտնել նրան՝ մարզական բարձունքի նվաճման գործում ներդրած ավանդի համար:

- Հպարտ եմ, որ իմ սաներին, բացի մարզական նրբություններից, ներշնչել եմ արժանապատվության, երախտագիտության զգացում: Հպարտ եմ, որ այսօր իմ սաները, բարձրամակարձ հաղթողի պատվանդանին, շնորհակալությամբ են հիշում այն համեստ ավանդը, որ ներդրել եմ:

Սակայն, Վիլյամ Խարաչովի գլխավոր հպարտությունն իր ընտանիքն է՝ կինը՝ Կարինեն, Սանդրո եւ Ինեսա զավակները, Դավիթ եւ Դիանա թոռները:

- Հավանաբար հիշում եք 90-ականների դժվարին ու ծանր տարիները,- պատմում է նա,- երբ նախկին ծառայություններս, կատարած աշխատանքս, կարծես, հողս ցնդեցին, մնաց միայն գորշ առօրյան: Շատ դժվար էր, մարզչի աննշան աշխատավարձով ընտանիք պահել, երաժշտական դպրոցում կնոջս փոքր աշխատավարձով էինք ապրում, շատ բաներից զուրկ էինք: Սակայն, նույնիսկ այդ ծանր օրերին, ընտանիքս միշտ կանգնել է կողքիս, յուրովի աջակցել, խրախուսել... Եվ այն, որ այսօր էլ, չնայած ուր տասնյակ տարիներիս, ակտիվ կյանք ունեմ, շարունակում եմ զբաղվել իմ սիրած գործով, շարունակում եմ մարզել երիտասարդների ու նրանց հետ երիտասարդանալ...

Հրեյլանական այս օրերին վաստակաշատ մարզիչը բազում շնորհավորանքներ է ստանում Վրաստանի ըմբշամարտի ազգային ֆեդերացիայի ղեկավարությունից, իր գործընկերներից, վետերան ըմբշամարտիկներից, նախկին ու ներկա սաներից, ծանոթ-անծանոթներից, բոլոր նրանցից, ովքեր թեկուզ թուուցիկ հանդիպում են ունեցել նրա հետ, մի երկու խոսք են փոխանակել, ինչը բավական էր Վիլյամ Խարաչովի մեջ արժանապատիվ ու բարյացակամ, մարդկանց մեջ լավ տեսնելու եւ գնահատելու ունակությամբ օժտված մեծատառով մարդու տեսնելու համար:

«Վրաստան» թերթը մեծ ուրախությամբ միանում է իր երկրամասական շնորհավորանքներին, մաղթում քաջառողջություն, երկարակեցություն, հեռանկարային մարզիկներ դաստիարակելու շնորհակալ գործի իրականացման հոգեւոր եւ ֆիզիկական ուժերի համակեցություն:

ՅՈՒՐԻ ԽՈՐԵՆՅԱՆ